

影印
文淵閣

四庫全書

影印

文淵閣四庫全書

第七五七冊

北京出版集團公司
北京出版社

本冊目次

普濟方(二)

明朱橚撰……………一

欽定四庫全書

子部
普濟方卷三百六

詳校官太醫院醫士_臣程奉
編修_臣倉聖脈覆勘

總校官進士_臣楊懋珩
校對官中書_臣金光悌
謄錄監生_臣黃廷璧

欽定四庫全書

普濟方卷三百六

明 周王朱橚 撰

諸蟲獸傷門

諸蟲獸傷

凡一切蟲獸所傷及背瘡腫毒杖瘡焮發或透入裏者可服木香檳榔丸七八十九或至百餘丸生薑湯下五七行量虛實加減用之內經曰先治內然後治外是也○又云犬咬蛇傷不可便貼膏藥及生肌散之類內經欽定四庫全書_{普濟方卷三百六}
云先治內後治外可也先當用導水丸禹功散通經散瀉十餘行即時痛減腫消然後可用膏藥生肌散之類傳之則愈

方

荳蔻散

治驢涎馬氣駱駝騾子兔子狗子蛇傷

肉荳蔻

二錢

自然銅

二錢

檳榔

一錢

板藍根

三錢

蚰桑子

二錢

甘草

三錢

烏梅

四錢

川烏頭

一錢

金毛狗脊

一箇

紅花

二錢

紅芍藥

三錢

茅香

三分

甘柿蒂一十箇 川棟子四箇 香附子二十箇

苦丁香七箇 官桂一分半 乳香二分

右為細末每服二分溫酒一盞調下如生氣食後服
熱氣食前如要驗中毒喫大麥麵羹吐逆者是不
吐非也又一管見如喫大麥麵羹一二碗令病人極
吐後諸藥大効

雄黃散 用搗麻子汁飲之大効或用雄黃乾薑塗
之

欽定四庫全書 普濟方 卷三百六 二

蔦薺散 用蔦薺汁塗之或用烏梅巴豆各等分塗
之

硫黃散 治熊虎爪牙所傷毒痛

用雄黃硫黃紫石搗末以絳囊盛之帶以防用

雄礬散 用雄黃礬或用飛丹礬塗之

麝香散 治鼠咬

用猫毛燒灰麝香少許津唾調傳一方麝香封上用
帛繫之

葛根散 治熊傷人瘡

用燒青布薰瘡口毒出仍煮葛根汁令濃以洗瘡日
十度并搗葛根為散煮葛根汁服方寸七日五服瘡
治虎咬瘡方

用濃煮葛根汁洗十數徧及搗為散以葛根汁服方
寸七日五甚者夜二服一方以嫩絮骨燒灰為末乾
傳瘡處一方用白礬為末納瘡口中痛止立効一方
溫水服

欽定四庫全書 普濟方 卷三百六 三

又方 用青布捲為繩燒一頭燃內竹筒中注瘡口薰之極
効

又方 用嚼栗子塗之良

治猪嚙方 用松脂煉作餅子貼上

又方 用屋雷中泥塗之

治熊虎所傷毒痛 用煮生鐵令有味以洗之

治熊傷人瘡

用葫蘆一大把剉碎以水一升漬須臾取汁飲餘滓封裹瘡

治虎犬咬蛇咬

用飲薤汁一升日三瘥又杵汁傳之

治猫兒傷

用薄荷汁塗之若中猫涎入瘡則令人悶浸椒水調

莽草末塗之

治蛇犬毒入

用黃藥子末傳之

欽定四庫全書

普濟方
卷三百六

四

治狗咬虵蟻瘡蛇咬

用山豆根並以水研傳之

治蛇犬咬

用熱人尿淋患處良

治虎犬傷

用糝礬末內瘡口中裹之痛止立效

治虎傷

但飲酒常令大醉當吐毛出

又方

用鼠一枚燒為灰細研先用漿水洗身後傳之甚良

治虎咬瘡方

用嚼粟米塗之即瘥

治惡蛇風犬所傷

用唾調人耳塞塗傷處兩頭防毒走散然非數人耳塞不可此極驗

又方

用草麻子為細末臘水化白蜜調傳傷處可

又辟虎法

凡入山用燒水牛羖羊角虎狼蛇皆走

治虎傷

用生野葛汁塗乾薑末內瘡中

欽定四庫全書

普濟方
卷三百六

五

治猫兒所咬成瘡不効

右以鼠血塗之立瘥

山林日用法每欲出行時用

雄黃

一桐子大
火上燒烟

右以薰脚綳草屨之類及袍袖間即百毒不敢侵害

邪祟遠辟

治虎傷人瘡

取生葛根煮濃汁洗瘡魚搗葛根水服方寸七日夜

五六服

治虎狼傷瘡

以月經衣燒末傳之

主人畜為虎狼等傷恐毒入內者

取芒莖雜葛根濃煮服之

石芒生高山如芒節短江西人呼為折草六月

七月生穗如莢也

治虎傷

以細辛雄黃等分為末內瘡中日三四易之

治虎及狗咬瘡

欽定四庫全書

普濟方
卷三百六

六

用猪膏每搗傳之至良

治蟲咬傷

取大藍汁一碗入雄黃麝香二物隨意看多少細研

投藍汁中以點咬處若是毒者即并細服其汁神異

之極也昔張薦負外在劔南為張廷賞判官忽被斑

蜘蛛咬項上一宿咬處有二道赤色細如箸繞項上

從胃前下至心經兩宿頭面腫疼如數升益大肚漸

腫幾至不救張相素重薦因出家財五百千延賞家

財又數百千募能療者忽一人應召云可治張相初

甚不信欲驗其方遂令目前合藥其人云不惜方當

療人性命耳遂取大藍汁一甕益取蜘蛛投之藍汁

良久方出得汁中甚困不能動又別擣藍汁加麝香

末更取蜘蛛投之至汁而死又更取藍汁麝香加雄

黃和之更取一蜘蛛投汁中隨化為水張相及諸人

甚異之遂令點於咬處兩日內悉平愈但咬處作小

瘡如落如舊

欽定四庫全書

普濟方
卷三百六

七

驢馬傷附論

人誤被馬咬或踢踏傷損肌肉腫痛若不即治毒氣日

深傳入臟腑有致死者宜急治之○夫驢馬氣之病醫

流少有知之者凡人宰殺驢馬及自死開剥不可犯之

如開剥驢馬時切忌手指間有瘡痕及誤傷刃其涎入

內毒氣發也剥活馬毒少有若自死者大毒殺人命名

曰中生氣煮肉之時其半生半熟有白色時毒殺人名

曰中熟氣其毒入內初時便不覺頭疼體熱走注疼痛

寒熱無時而作起居如常如要知之用麥麴稀湯多飲之即吐涎此知是驢馬之毒也如不吐者非也急用薑菴散或虎骨酒飲之即可如不知者久淹日月其毒發則如眼中出其眼即枯如臂中出其臂必傷腿中出腿必瘤幸然存命也如不然則病必篤遍身腫毒而膿出肉爛死者甚衆應驗方云余年幼時大安元年在洛南縣住親見官中倒死鋪馬命衆屠行開剥此時七人到此開剥之其人皆死後常見此証死者甚衆余深究其法於屠戶中受此方屢經大効不忍秘之大抵頭目疼身熱比傷寒相似如走注疼痛起居如常此為異耳

欽定四庫全書

普濟方卷三百六

八

方

殭蠶散

治被馬咬傷損皮肉疼痛

馬鞭梢

五寸燒灰

雄鼠糞

炒二枚

白殭蚕

炒半兩

右搗為末以猪脂二兩調傳咬處日三易良

立効散

出千金方

治馬嚙人及蹋人作瘡毒腫熱痛

馬鞭梢

二寸長

鼠屎

二七枚

用合燒為末以猪膏和塗之立愈治遂成瘡爛經久

不愈者以馬鞭皮燒末猪膏和塗

虎骨酒

治驢馬氣傷瘡毒

虎骨

酥炙半兩

木香

錢三

右為細末分作二服酒調服之

治馬踢傷

出經驗良方

用地骨皮不拘多少為末以水調傳瘡甚効

桑皮散

出千金方

治馬嚙人陰卵脫出

用推內入以桑皮細作線縫之破烏鷄取肝細剉以

封之且忍勿小便即愈

欽定四庫全書

普濟方卷三百六

九

治馬犬嚙及馬骨刺傷人及馬血入舊瘡中方

用取桑灰汁熱漬瘡常令汁器有火數易汁勿令爛

人肉三數日漬之有腫者炙石熨之日二消止

治剥馬被骨刺破毒欲死

右以婦人月水傳瘡口立効

治馬咬人瘡有毒腫疼痛又剥驢馬傷手

出聖惠方

用雞冠血著瘡中三下兒馬用雌牝馬用雄一方用

熱雞血浸之

芫蔚散 治馬咬

以益母草細切和醋炒封之効益母草即芫蔚子也

治馬咬傷

出傳信
適用方

用燒獨顆栗子灰貼瘡追毒

治馬咬人或刺破瘡及馬汗入瘡毒痛

用馬糞燒灰為末研傳瘡上及馬尿洗瘡佳

治驢涎馬汗毒所傷神効

白礬飛過黃丹炒令紫色各等分相滾合以貼患處

欽定四庫全書

普濟方
卷三百六

十

治馬咬人毒入心方

出聖
惠方

用馬齒菜子搗為散每服一錢溫酒調下不計時候

馬齒湯食之差

又方

用蓼藍汁三大盞水二盞煎至一大盞溫服二合不

計時候兼用洗瘡良

治馬咬人及踏人瘡有毒腫熱痛方

用灸瘡中腫上瘰

獬犬噬 附論

凡春末夏初犬多發狂必誠小弱持杖以預防之防而不免者莫出於灸百日之中一日不關者方得免難若初見瘡癢痛定即言平復者此最可畏大禍即至死在旦夕凡狂犬咬人著訖即令人狂精神已別何以得知但看灸時一度火下即覺心中醒然惺惺了了方知咬已即狂是以深須知此此病至重世皆輕之不以為意坐而死者常年有之

欽定四庫全書

普濟方
卷三百六

十一

凡獬犬咬人七日輒應一發三七日不發則脫也要過百日乃得免耳每到七日輒當搗韭汁飲一二升又當終身禁食犬肉蚕蛹食此則發死不可救矣瘡未愈之間禁食生魚及諸肥膩冷食但於飯上蒸魚及於肥膩器中食者便發不宜飲酒能過一年乃佳乃若人曾食落葵中犬咬必難治若已瘡十數年後食之者便發也若重發者生食蟾蜍鱸絕良亦可燒炙食之不必令其人知初得噬毒便為之則於後不發也儒門事親書云

麻先生兄材行為大所齒昇至家脛腫如罐堅若鉄石
毒氣入裏嘔不下食頭痛而重往問戴人女僮口誦隨
利減以枳榔丸下之見兩行不瘥適戴人自舞陽回謂
麻曰脛腫如此足之二陰三陽可行乎麻曰俱不可行
如是何不大下之乃命夜臨臥服舟車丸百五十粒通
經散三四錢比至夜半去十四行腫立消作胡桃紋反
細於不傷之脛戴人曰慎勿貼膏紙當令毒氣出流膿
血水常行又一日戴人恐毒氣未盡又服舟車丸百餘
粒濟川散三四錢見六行病人曰十四行易當六行反
難何也戴人曰病盛則勝藥病衰則不勝其藥也六日
其膿水盡戴人曰膿水行時不畏風盡后畏風也乃以
愈風餅子日三服之又二日方與生肌散一傳之而成
効嗚呼用藥有多寡便差別相懸向使不見戴人則利
減之言非也以此知醫已難用醫尤難

方

桃白散出聖惠方

治獐犬咬人毒氣攻心悶亂方

桃白皮三兩 甘草半兩炙 杏仁三十枚湯浸去

微黃而 桂心一兩

右細剉以水三大盞煎至一盞去滓入杏仁膏攪令

勻分為二服良久再服

蟬花散出衛生寶鑑方 治夏月犬傷及諸般損傷蛆虫極

盛臭惡不可近之者

蛇退皮一兩用炭燒存性研為末 蟬殼半兩 青黛半兩

華陰細辛三錢半

欽定四庫全書 普濟方卷三百六 十三

右為細末每服三錢酒調下如六畜損傷成瘡用酒

灌如犬傷用梅子和喫蛆皆化為水蠅子不敢再落

又以生寒水石末糝上

韭根散出聖惠方 治獐犬咬人疼痛不止方

豉一合 雄鼠糞一兩 杏仁 韭根各一兩

右件藥相和爛研傳破處良

金黃散出聖惠方 治狂犬咬傷損疼痛方

白礬一兩燒灰 硫黃 梔子灰各半兩

右件藥都研為末傳咬損處即瘥

杏豆散 治療狂犬咬方

杏仁 切去皮尖 豆豉 各一兩 韭根 一握淨洗

右搗為餅可瘡大小厚一二分貼咬處大作艾炷以

灸餅上熱即差

猬皮散 出千金方 治猢猻毒方

頭髮 猬皮 各等分

右燒灰水和飲一盃口禁者折齒內藥

欽定四庫全書 普濟方 卷三百六

枸杞散 出聖惠方 治犬咬方

枸杞葉 少許 鹽 少許

右同搗令熟后傳於瘡上即愈

杏桃散 出聖惠方 治狂犬咬人傷痛方

杏人 四十枚去皮尖 桃白皮 切二升

右用水二升先煮桃皮取汁一升去滓下杏人再煮

減半去滓溫分三服得吐乃効

金粒丹 治風狗毒蛇所傷

雄黃 一兩透明者 大硃砂 一錢

右研極細旋取溫蟾酥為丸如麻子大每服一九溫

酒下不忌口一服奏効

立効散 治風狗所傷

蒜 杏仁

右各等分一處搗爛次用些少消風急風散一捻在

蒜內連瘡口四畔傳訖將艾炷灸之次服消風急風

二散忌鱸鰻發風等物

欽定四庫全書 普濟方 卷三百六

定風散 出衛生家寶方 治風狗咬破先口噙漿水洗淨用

綿溫乾貼藥更不再發

天南星 生 防風 各等分

右為細末乾上藥更不再發無膿大有神效不可具

述凡惡犬傷人咬破多或二年三年至六年咬破處

或時疼痛或先發增寒甚至發風遍身搖擗數日不

食十死八九余親見者數十人服此藥但凡犬咬破者

無有不愈

雄麝散

出醫方集成

治獾犬傷或經久復發無藥可療

者用之極驗

雄黃

色黃而明者五錢

麝香五分

右各等研和勻用酒調二錢服如不肯服者則撚其鼻而灌之服藥后必使得睡切勿驚起任其自醒候利下惡物再進前藥即見効矣終身禁食犬肉蚕蛹此毒再發則難救

梔子散

治療狂犬咬方

欽定四庫全書

普濟方卷三百六

梔子皮

燒灰

石硫黃末

用搗為末傳瘡日一易救急用二三度差

虎骨散

治療狂犬咬方

虎骨

石灰

右二味以臘月猪脂和作餅子暴乾搗末以傳之良

治凡犬噬人方

出千金方

用取竈中熱灰以糝瘡中帛裹繫之

又方

出千金方

用燒自死蛇一枚令焦為末內瘡孔中

又方

出千金方

用鼠屎為末以臘月猪膏傳之或用鼠一枚猪膏煎傳

之

又方

出千金方

用飲生薑汁一升一方用白姜炙熨之良薑汁亦佳

治狂狗咬

出本草

用菰耳葉煮服之

又方

出千金方

用燒犬尾為末傳瘡日三

欽定四庫全書

普濟方卷三百六

又方

出千金方

治犬咬人重發瘡

用頭垢少許內瘡中以熟牛糞塗之佳

又方

出千金方

治凡犬噬人

用苦酒和灰塗瘡中

治小兒狗噬方

出千金方

用月一日以水一升灌之勿令狗主打狗若月盡日

三升水灌之

治獾犬毒方

出千金方

用搗韭絞取汁飲一升日三瘡愈止愈後復發者用

莖根故梳二枚用水二升煮一升頓服

又方

用刮虎牙若虎頭骨為末酒服方寸匕或刮狼牙

骨末服已發狂如獬犬者服即愈

又方 用髮及狴皮少許燒灰水和服之

又方 出千金方

用燒虎骨傳瘡及熨之又微熬杏仁搗研取汁服之

良又取燈盞殘油灌瘡口此皆禁酒猪肉魚生菜

欽定四庫全書

普濟方
卷三百六

九

又方 出千金方

用桃東南板白皮一握水二升煮取一

升分二服吐出犬子

又方 出千金方

用服菰苢子七枚日一度以水服之差止又取其獬

狗腦上毛燒灰傳瘡上不發一方用菰苢爛搗和鹽

傳之

又方 出千金方

用梅子末酒服之

又方 出千金方

用豆醬清塗之日三四差

治狂犬嚙人方 出千金方

用蛇脯一枚炙去頭搗末服五分七日三

又方 出千金方

用青布浸汁服三升

又方 出千金方

用飲驢尿一二升或驢尿汁飲一升即

差

治風狗傷 出濟生拔粹方

用口噙漿水洗淨以乾薑末塗貼

又方 出濟生拔粹方

用吮去血漿水洗畢紙上炒黃丹赤

欽定四庫全書

普濟方
卷三百六

十九

色貼之

蟾蜍灰散 出肘后方

治狂犬咬人重發者

用蟾蜍三个燒灰搗羅為末每服二錢溫水調下服

時不得令人知一方焙乾傳之又剝作鱗吞蒜齏下

治獬犬咬人毒氣攻心悶亂方

用蝦蟆一枚燒灰細研為末以粥飲調服之即愈一

方蝦蟆作膾而愈一方用砂糖同搗汁服 沈約宋

書曰張收嘗為獬犬所傷醫云宜食蝦蟆膾收甚難

之醫含笑先嘗收因此乃食瘡亦即愈

治獐犬嚙重發方出聖
患方

用乾姜搗為細末每服二錢以溫水調下不拘時候

一方用末傅瘡口立差

治犬咬成瘡漏方出聖
患方

用石灰細研為末以醋和

塗瘡上

治犬咬方出聖
患方

用取地龍爛搗封根咬處當有毛

或收得乾者搗末用油調封之

欽定四庫全書

普濟方
卷三百六

又方出聖
患方

用燒灰細研為末以醋調塗之

治狗咬 用杏仁研細先切葱湯洗然後傅塗傷處

一方同馬蘭根研細塗之一方搗杏仁傅之服汁亦

佳熬成膏令黑傅亦可

又方出危
患方

用草麻子五十粒去殼井水研成膏先

以鹽水洗咬處次以此膏傅貼或用虎骨末及虎膏

一方無虎骨末

莽草散出危
患方

治狗咬涎入瘡令人昏悶用上好浸

椒水調莽草末塗之

又方出仁
存方

治虎犬咬人 用白礬為末糝瘡內

裹之立愈

治犬咬凍瘡出危
患方

並以秫米嚼傅

治狂犬咬人出聖
患方

用蚯蚓屎和鹽研封狂犬傷毒

處出大毛殊有神效一方井口蚯蚓糞濕傅瘡上以

物包定即差

治療獐犬咬人出醫方
大成

用仍殺所咬犬取腦傅之後

欽定四庫全書

普濟方
卷三百六

不復發

治獐犬咬人出千
金方

用煮地榆汁飲之兼末傅瘡上

服方寸匕日三服忌酒若治瘡已差者搗生韭汁飲

之一二升一方無韭汁地榆絞汁無生者乾水煮飲

之傅上一方為散水調服二三錢日三次服兼可傅

瘡上過百日止

解狗毒

杏仁 礬石 韭根 人尿各等分

研細爛傳毒處

治犬咬人重發 用服蔓菁汁佳一方地榆為末

咬處立差

治狗咬傷 用鍋墨為末桐油調塗又方用嚼杏仁

沃破處以帛繫定一方以人尿汁傳尤良

治癩狗傷 用真茶末桐油濃調塗傷處

治顛狗咬人 用清油泥於破咬處擦成條搗斷看

油泥內直至無狗毛為度如有毛更擦然後用水調

欽定四庫全書

普濟方
卷三百六

三

嫩米糠為膏貼之此一方賀都目傳清油泥俗云油

尿

治顛狗咬人

出經驗
良方

用斑猫七箇去翅足為末夏間豆豉四十九粒去皮

滴水研為膏入和斑猫末為丸如梧桐子大盡數服

白熟水下却將穢桶盛水令病人尿小便於內停半

日見小便桶內水中氣凝結如狗形則愈如不下再

合服至七次始獲全安

清油散

出經驗
良方

治顛狗咬人

用生麻油滴豉為膏彈子大常常拭指所咬瘡口分

開豉彈見有狗毛茸茸此毒出即安至無茸毛為度

日間常行食用加杏子食之尤妙

又方

出經驗
良方

凡被癩狗咬不可使用水洗及飯擦可用草藥名

鉄薄荷又名接骨草用葉并根梗以水洗去土搗爛

傳傷處用絹帛包定無令着水神効其草如菊花葉

欽定四庫全書

普濟方
卷三百六

三

兩葉相對到秋有青花如小蓼花相似

治風顛狗咬人

出經驗
良方

用前方須要服藥後方可常食杏仁逐其毒

又方

出德生
堂方

用斑猫七箇去頭足翅研為細末溫酒調服其毒亦

從小便中出膏膜形如狗狀如小便雖出不見狗形

須服七次方可如大小便俱澁不下却用火麻燒灰

存性同沒藥末茶各少許用溫湯調服引導其毒即

下

又方出經驗良方

當時被咬如藥不便隨即用生葱連白不以多少搗

爛先塗咬傷處然後服前藥

虎骨膏 治犬咬

有一人被咬以蚯蚓尿黃泥各少許入此虎骨同調

傳瘡口上一服便愈曾有驗

治狗咬著破傷風欲死者

欽定四庫全書

普濟方卷三百六

二五

用遍白狗糞燒灰溫酒下神効

紫荊皮散 治狂犬傷人

先以杏仁搗爛焙去毒以紫荊皮煎水又以沙糖調

紫荊皮末塗

治風狗咬

用路廁架上乾屎刮下用帶皮柳木槌熟搗成膏攤

紙上貼傷處睡去睡覺則汗出而愈永不再發不忌

口

治獐犬咬人出肘後方

用搗乾地黃汁飲之并塗瘡口上百度止

立効散 治風狗咬傷

用餓老鷹胆一箇溫酒調下或四十日或百日不瘥

者不過三服愈

治顛犬所傷出醫方集成

用斑猫大者二十一隻去頭翅并足用糯米一勺先

將斑猫七枚入米內於微火上炒不令米赤去此斑

欽定四庫全書

普濟方卷三百六

二五

猫別入七隻再於前米內炒令斑猫色變復去之又

別用七隻如前法炒以米出青烟為度去斑猫不用

以米研為粉用冷水入清油少許空心調服須又再

進一服以小便利下惡毒為度如不利再進一服利

后腹肚疼痛急用冷水調青靛服之以解其毒否則

有傷或煎黃連水亦不宜便食熱物

治獐狗嚙 用葛根末傳之

觸骨散出肘後方 治狂犬咬人及諸犬咬瘡不瘥吐白

沫者為毒攻入心人煩亂喚叫作犬聲者方

用髑髏骨燒灰末以東流水和服方寸匕以活止凡

狂犬咋人七日輒應一發過三七日不發則免也要

過百日乃為大免每至七日輒當搗薤一作非汁飲二

三升又當終身禁食犬肉蚕蛹若食此發則不可救

矣瘡未瘥之間亦忌食生物諸肥膩肉及諸冷食但

於飯上蒸生魚及就膩器中食便發不宜飲酒能過

一年乃佳

欽定四庫全書

普濟方
卷三百六

五

杏仁膏 治狂犬咬人

凡被狂犬咬人即急嚙去血急吐之勿錯嚙之然後

搗杏仁和大虫牙捻作餅子貼瘡上頓灸二七壯從

此已后每日灸一兩壯貼杏仁餅子灸之須要滿百

日乃止百日内必莫斷使瘡瘥如無大虫牙單用杏

仁亦可狂犬咬人每至七日即合一發但至七日即

須搗韭汁服一大合日再服之縱非至七日但一日

兩日服一兩合大妙如冬月無韭取韭根搗汁服之

又三兩日取杏仁一合搗碎熟研瀝取汁和大虫牙

齒骨亦可用熟煎取一大升汁又燒竹瀝一合以和

杏仁酪汁更煎一兩沸分三服一日使盡又取所咬

犬腦以塗瘡大佳取大虫牙齒末或大虫脂塗之更

佳須忌酒

治救急療狂犬嚙人死問深淺者方

初被咬便以冷水洗令血斷封裏著如其瘡大及深

宜放流水中浸之血斷依法封裏更不用餘藥忌風

欽定四庫全書

普濟方
卷三百六

五

千萬可畏凡初被咬即覓一切物與喫后不發也

治風狗咬出瑞竹堂

用桃核殼半箇將野人肝即人之大糞也填滿以榆皮蓋定

掩於傷處用艾於桃核上灸二七十四炷即愈永不

發作

治風犬傷

用白糞虫去肚中黑研之一二盞頭頂上有赤髮多

火拔去以虫傅之